



Da li je moja voda dobra za piće?

Informacije za vlasnike domaćinstva u periodu nakon poplave

Vlasnici domaćinstva koji koriste vodu za piće iz gradskog ili nekog drugog javnog vodovodnog sistema:

- Slušajte javna obavještenja u vezi sa stanjem vašeg vodovodnog sistema.

Vlasnici domaćinstva koji koriste privatne bunare sa vodom za piće:

- Poplavljeni bunari su zagađeni bakterijama, a mogu biti zagađeni i hemikalijama.
- Ako sumnjate na zagađenje hemikalijama, savjet potražite od Vašeg lokalnog odjeljenja za zdravlje ili Ministarstva zdravlja u Sjevernoj Dakoti. Na primjer, ovo je moguće ako voda ima neuobičajen ukus, odnosno ako se osjete hemikalije, ili ako ima drugačiji miris. Koristite flaširanu vodu sve dok Vas iz zdravstvenog zavoda ne obavijeste da je Vaša voda dobra za piće.
- Ako ne sumnjate na hemijsko zagađenje, dezinfikujte i testirajte poplavljen bunare kada opadne nivo vode (poplave). Stupite u vezu s Vašim lokalnim zdravstvenim odjeljenjem ili Ministarstvom zdravlja u Sjevernoj Dakoti i od njih tražite posebna uputstva. Sve dok rezultati testiranja vode ne pokažu da je voda dobra za piće, prokuhajte je i pustite da dobro kluča najmanje jedan minut. Prije korištenja je ostavite da se ohladi. Druga mogućnost je da koristite flaširanu vodu. Prokuhana ili flaširana voda bi se trebala koristiti za piće, kuhanje, pravljenje leda, pranje suđa i zuba. Nastavite koristiti prokuhanu ili flaširanu vodu sve dok rezultati testiranja ne pokažu da je voda dobra za piće. Pošto su novorođenčad izrazito osjetljiva, za pravljenje formule koristite isključivo flaširanu vodu ili konzervisanu formulu za bebe u koju ne trebate dodavati vodu.

Ako pijete zagađenu vodu, možete se razboliti.

- Ako se razbolite nakon što popijete zagađenu vodu, trebate potražiti zdravstvenu pomoć. Uobičajeni simptomi bolesti nakon korištenja zagađene vode za piće su stomačni bolovi, povraćanje, proljev (dijareja), visoka temperatura, grčevi i glavobolje.
- Kod djece (naročito novorođenčadi), starijih osoba i onih koje od ranije imaju zdravstvene probleme ili loš imunitet, postoji veći rizik da im se pogorša zdravstveno stanje. Zbog toga je važno da im se ukaže zdravstvena pomoć ako im se simptomi pogoršaju ili ne poboljšaju.

Ako želite više informacija, nazovite Ministarstvo zdravlja u Sjevernoj Dakoti na (701) 328-2372.